

■「Aaron Kwok 城堡」空降紅館，全場尖叫聲不絕。

■城城將潑墨畫融入歌舞，非常創新。



■城城每次演出都全力以赴，毋負「舞台王者」之名。

「郭富城 ICONIC 世界巡迴演唱會 2024——香港站」前晚在紅館開鑼，全場座無虛席。除了華麗舞台及出色歌舞外，城城更表演潑墨畫。力求創新的他表示要將歌、舞、字、畫融入演出，台下觀眾掌聲雷動以示讚賞！

### 「Aaron Kwok 城堡」空降舞台

# 城城歌舞字畫 紅館創先河

前晚郭富城在紅館舉行首場演唱會，除了太太方媛偕兩寶貝女現身外，好友張智霖夫婦、蔡一智夫婦等均有捧場。城城與14位舞者一齊登場跳唱演唱會主題曲《EXIT》，他說：「大家好嗎？8年終於可以返嚟呢個舞館，呢個殿堂級嘅紅館為大家表演，好掛住大家！」

近年醉心書法及畫畫的城城在個唱中再創先河，邊唱《飛》時邊表演潑墨畫，令觀眾相當驚喜。他說：「呢8年覺得自己進步咗好多，呢8年大家都經歷好多時出唔到街，令我開始鍾意中國同西洋畫，因為覺得線條好靚，自己今晚好大膽喺呢個舞台上表演畫畫。正值疫情時，我做唔到自己嘅創作，換咗另一啲創作。啱啱大熨幕有啲畫面、圖案就係我畫，係記載我2024年8月13日喺紅館同大家分享我嘅作品，希望將來有機會同大家分享到我一啲畫作，一樣都係我創作，

『四合為一』歌、舞、字、畫，好唔好？」


展示30張自創書法

好戲在後頭，魔幻舞台終於出現！台上機關啟動後，「Aaron Kwok 城堡」空降紅館，戴上皇冠的城城坐在寶座上，在17位舞者伴舞下唱《國王的新歌》，之後他全程在半空的舞台上跳唱經典快歌。

城城表示創作了一首歌《您》，首度獻唱送給入場觀眾，還一口氣展示30張自創書法，他說：「代表咗我對每位歌迷呢30年嘅紀念同一啲印記，希望永遠留喺我心裏面同工作室裏面。當有日見唔到你吔，我會擺呢啲字畫出嚟感受你吔，每幅字畫入面嘅『您』字係代表一年，有30張代表30年，希望將我寫落嚟嘅嘢嚟我老咗、喺舞台上無法表演時，呢啲就係我最好嘅回憶，所以喺呢度好衷心多謝你吔畀咗好多支持我。」演唱會尾聲，城城與約30位舞者謝幕，最後發動全場觀眾做出《EXIT》的動作，大玩萬人人浪。

■城城穿上「閃燈盔甲」跳唱《無忌》。

■城城全晚不停跳唱，絕不喘一口氣。



## 鄭秀文重遇「初戀」

### 23年後再續前緣

天后鄭秀文 (Sammi) 新歌《從前的我們》MV遠赴東京拍攝，最驚喜是她邀請23年前一齊拍電影《瘦身男女》、飾演她初戀男友「黑川先生」的日本型男川口力哉亮相。他們在東京鐵塔前相擁合照，呼應電影主題曲《終身美麗》第一句歌詞「塔尖仍舊記得這擁抱極美好」，掀起集體回憶！今年49歲的川口是日本著名模特兒和演員，說得一口流利英語，川口說：「我很高興再見到Sammi！跟她一起的時光，感受到她非常溫柔、善良，她總是照顧好一切，我真的很滿足。」

Sammi說：「全首歌都喺日本拍，覺得能夠帶出呢首歌嘅味道，因為歌詞第一句『凌晨東京』，我哋確實係喺東京拍攝到凌晨時分，嗰日落住毛毛雨，拍出嚟畫面都幾浪漫。」

■鄭秀文很开心再與川口合作。



## 高海寧食齋求安心

TVB Plus 飲食節目《美食新聞報導》今晚登場的「星級情報員」高海寧 (高Ling)，與主持蔡景行為觀眾介紹中環的素食餐廳。原來高Ling曾是素食者，她說：「迷茫到唔知點算！需要求助一啲嘢，所以試吓食素。食咗之後發覺個心有咁慌張，會平靜番落嚟，個人定好多。」近年高Ling重新吃葷，她解釋：「有一日忽然好想食叉燒，朋友問我到底為咗乜嘢去食素呢？諗諗吓其實冇嘢，冇有限時間，純粹覺得嗰下我需要，我就食。」



■高海寧與行仔介紹素食。